



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-610-3/21**
Datum: **01.02.2022. godine**

„Agencija za vodno područje rijeke Save“ Sarajevo rješavajući po zahtjevu korisnika „TIOIL“ d.o.o. Stara Bila, Vitez za donošenje rješenja o vodnoj dozvoli za ispuštanje oborinskih onečišćenih voda sa lokacije objekta benzinske pumpne stanice „TIOIL“ – P.J. TIOIL TD izgrađene u ul. Lukavička cesta 121, općina Novi Grad Sarajevo, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), donosi

R J E Š E N J E **o vodnoj dozvoli**

1. Korisniku „TIOIL“ d.o.o. Stara Bila, Vitez daje se vodna dozvola za ispuštanje oborinskih onečišćenih voda sa lokacije objekta benzinske pumpne stanice „TIOIL“ – P.J. TIOIL TD, izgrađene u ulici Lukavička cesta 121, na zemljištu označenom kao k.č. broj 1423/2, dio 1420 K.O. Dobrinja, općina Novi Grad Sarajevo.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Da se skladištenje nafte i naftnih derivata vrši u dvoplašnim čeličnim podzemnim rezervoarima ukupne zapremine $V=230 \text{ m}^3$.
 - 3.3. Da je korisnik objekta u obavezi redovno vršiti kontrolu međuplašnog prostora rezervoara, njihovo čišćenje kao i kontrolu rada.
 - 3.4. Da se oborinske onečišćene vode sa platoa oko istakališta, saobraćajnih i manipulativnih površina nesmetano prikupljaju sistemom slivnih rešetki i kanalizacione mreže te odvede do objekta za tretman otpadnih voda (trokomorni betonski separator ulja i naftnih derivata), a zatim priključe na kolektor oborinske kanalizacije.
 - 3.5. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20).
 - 3.6. Da je korisnik poslovnog objekta u obavezi da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
 - 3.7. Da prikupljanje, odvoz i konačno zbrinjavanje opasnog otpada sa lokacije predmetne benzinske pumpe sa pratećim sadržajima može vršiti isključivo firma ovlaštena za tu vrstu djelatnosti, prema sklopljenom ugovoru.
 - 3.8. Da se osiguraju priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).

- 3.9. Da se sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove vodne dozvole, pravno lice, odnosno korisnik objekta «TIOIL» – P.J. TIOIL TD, je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
 10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

O b r a z l o ž e n j e

Pravno lice „TIOIL“ d.o.o. Stara Bila, Vitez obratio se ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih voda sa lokacije objekta benzinske pumpne stanice „TIOIL“ – P.J. TIOIL TD, izgrađene u ulici Lukavička cesta 121, na zemljištu označenom kao k.č. broj 1423/2, dio 1420 K.O. K.O. Dobrinja, općina Novi Grad Sarajevo.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Kopija Aktuelnog izvoda iz sudskog registra Općinskog suda u Travniku, broj: 051-0-RegZ-15-001331 od 26.11.2015. godine;
- Kopija uvjerenja o poreznoj registraciji „TIOIL“ d.o.o. Stara Bila, Vitez, izdatog od strane Federalnog ministarstva finansija, Porezna uprava Federacije BiH, Kantonalni porezni ured Novi Travnik, dana 08.05.2014. godine;
- Kopija uvjerenja o poreznoj registraciji „TIOIL“ d.o.o. Stara Bila, Vitez, P.J. „TIOIL TD“ izdatog od strane Federalnog ministarstva finansija, Porezna uprava Federacije BiH, Kantonalni porezni ured Novi Travnik, dana 13.07.2015. godine;
- Ovjerena kopija Uvjerenja o registraciji obveznika poreza na dodanu vrijednost broj: 04/5-1/IV-17-1-5684-5635/05 od 12.11.2005. godine izdatog od strane Uprave za indirektno-neizravno oporezivanje Banja Luka;
- Kopija Rješenja urbanističke saglasnosti donesenog od strane Sekretarijata za prostorno uređenje i zaštitu čovjekove okoline općine Novi Grad Sarajevo, broj: 06-364-27/97 od 03.10.1997. godine;

- Kopija Rješenja o odobrenju za građenje donesenog od strane Službe za prostorno uređenje i komunalne poslove općine Novi Grad Sarajevo, broj: 06-360-2/98 od 25.06.1998. godine;
- Kopija Rješenja o odobrenju za upotrebu doneseno od strane Službe za prostorno uređenje i komunalne poslove općine Novi Grad Sarajevo, broj: 06-360-171/98 od 04.11.1998. godine;
- Kopija Rješenja o VD za BS „TIOIL“ d.o.o. – P.J. „TIOIL TD“ donesenog od strane Agencije za vodno područje rijeke Save broj: UP-I/25-3-40-174-3/16 dana 23.05.2016. godine;
- Izvještaj o monitoringu kvaliteta i kvantiteta otpadnih voda benzinske pumpe TIOIL TD Sarajevo, mart 2021. godine;
- Opšti akt o održavanju, korištenju i osmatranju vodnog objekta i posmatranju u slučaju kvara ili havarije;
- Kopija računa KJKP „ViK“ d.o.o. Sarajevo za snabdijevanje vodom i odvodnju otpadnih voda;
- Kopija ugovora sklopljenog sa „DELTA PETROL“ d.o.o. Kakanj o čišćenju separatora i septičke jame i odvozu otpadnog mulja i taloga;
- Projekat izvedenog stanja instalacija vodovoda i kanalizacije, urađen od strane „ZAGREBINSPEKT“ d.o.o. Mostar, mart 2017. godine;
- Dokaz o uplaćenju upravnoj pristojbi;

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-610-2/21 dana 27.01.2022. godine.

Na osnovu izvršenog uviđaja na licu mjesta je utvrđeno:

Objekat predmetne benzinske pumpe izgrađen je u ulici Lukavička cesta 121, na zemljištu označenom kao k.č. broj 1423/2, dio 1420 K.O. Dobrinja, općina Novi Grad Sarajevo. U sklopu predmetne benzinske pumpne stanice nalazi se i prodavnica, mokri čvor, kancelarijski prostor i parking.

Oborinske onečišćene vode koje nastaju na lokaciji predmetne benzinske pumpe prikupljaju se putem slivnika sa rešetkom i internom kanizacionom mrežom odvođe do trokomornog betonskog separatora ulja i naftnih derivata, a zatim prečišćene ispuštaju u kolektor oborinske kanalizacije kojim upravlja KJKP „ViK“ d.o.o. Sarajevo.

Skladištenje nafte i naftnih derivata se vrši u podzemnim dvoplašnim čeličnim rezervoarima ukupne zapremine $V=230 \text{ m}^3$.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom, u tački 3. dispozitiva rješenja, propisani uslovi u skladu sa odredbama članova 53. i 116. Zakona o vodama, člana 12. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i člana 14. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje Rješenja o vodnoj dozvoli za ispuštanje oborinskih onečišćenih voda u prirodni recipijent, te je riješeno kao u dispozitivu ovog Rješenja.

Podnosilac zahtjeva je uplatio upravnu pristojbu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdob, dipl.ing.građ.

**Po ovlaštenju
Rukovodilac sektora za izdavanje
vodnih akata**


Haris Ališehović, dipl.ing.građ.**0Dostaviti:**

- „TIOIL“ d.o.o. Stara Bila, Vitez, Lukavička cesta 121, Dobrinja, 71000 Sarajevo
- ⊙ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava